

ԿՐՕՆԱԳԻՏԱԿԱՆ

ԺՈՐԱ ՍՐԿ, ՍԱՐԳՍՅԱՆ

ԷՖԹԱՆԱԳԻԱ. ԲԱՐՈՅԱԳԻՏԱԿԱՆ ԵՒ ՔՐԻՍՏՈՆԵԱԿԱՆ ՄՈՏԵՅՈՒՄՆԵՐ

Մահն այն երևույթն է, որը միշտ վախի զգացումով է ուղեկցել մարդուն: Ներառյալ կան է, որ Էֆթանագիայի պարագային այն ոչ թե վախի զգացողություն է, այլ ցանկալի եւ բաղձալի իրողություն: Այդ իրողությունը բավական փարածված է եղել Նին աշխարհում, ուր փառապանքներից ազատվելու միակ միջոցը համարվել է մահը:

«Էֆթանագիա» եզրույթն առաջին անգամ առաջարկել է ԺԷ դարի անգլիացի փիլիսոփա Ֆրենսիս Բեկոնն իր «Նոր Օրգանոն» աշխարհային էջերում¹: Այս եզրույթի ժամանակակից ձևակերպումը փոխվեց 1980-ին՝ «Գթասրությունից մղված սպանություն»²:

«Էֆթանագիա» բառն առաջացել է հունարեն **eu** - բարի եւ **tanatos** - մահ բառերից, որ բառացի նշանակում է բարի, լավ մահ: Դա այն գիտակցված գործողությունը կամ գործողությունից հրաժարումն է, որը հանգեցնում է անհույս, անբուժելի հիվանդ մարդու արագ մահվանը՝ չդադարող ցավերն ու փրանջանքները դադարեցնելու նպատակով: Ավելի հստակ Էֆթանագիա ասելով հասկանում ենք անցավ եւ կարեկցանքից դրդված ոչնչացում նրա, որ փառապում է կամ համարում է, որ ինքը փառապում է, եւ ում փառապանքները սպազայում կարող են դառնալ անփրանելի:

Էֆթանագիան բժշկի դիպարկմամբ կարող է լինել պասիվ եւ ակտիվ, իսկ հիվանդի դիպարկմամբ՝ կամավոր եւ ոչ կամավոր: Պասիվ Էֆթանագիայի դեպքում բժիշկը դադարեցնում է այն գործողությունները, որոնց նպատակը հիվանդի կյանքը երկարացնելն էր, քանի որ դրանք անօգուտ, անիմաստ է համարում³: Այն սովորաբար բժշկին հնարավորություն է տալիս խուսափելու անձնական պատասխանատվությունից հիվանդի մահվան համար: Աշխարհում ավելի շատ ընդունված է պասիվ Էֆթանագիան:

Ա. Նալչաջյանն իր «Մահվան հոգեբանություն» գրքում այսպես է սահմանում նաեւ ակտիվ Էֆթանագիան. «Ակտիվ, դրական, գործուն Էֆթանագիա կատարելիս բժիշկն իրագործում է անհուսալի հիվանդի մահն արագացնող նպատակաուղղված գործողություններ»⁴: Երկուսի միջեւ փարբերությունն Էֆթանագիայի հակառակորդները մեկնաբանում են մի դեպքում՝ թույլ տալ մեռնել, մյուս դեպքում՝ որպես սպանություն:

Կամավոր Էֆթանագիան իրականացվում է հիվանդի նախնական համաձայնությամբ:

1 Տե՛ս **Альберт Налчаджян**, *Загадка смерти*, Ереван, 2000, էջ 46:

2 <http://forum.hayastan.com/index.php?>

3 Տե՛ս **Ալբերտ Նալչաջյան**, Մահվան հոգեբանություն, Երևան, 1992, էջ 24 (հեղապատ՝ Մահվան հոգեբանություն):

4 Ամդ, էջ 24-25:

Նա իր կամքն արտահայտում է նախապես եւ իրավաբանական շարադրանքով, որը լայնորեն սկսել է փարածվել Արեւմուտքի մի շարք երկրներում: Կամավորությունն այդ դեպքում պահանջում է որոշակի նկարագրություն, որը կրացառի որեւէ երկիմաստություն: Կամքը պետք է արտահայտվի բազմիցս, հստակ եւ վճռական, ազատ՝ առանց արտաքին բարոյական, իրավաբանական, հոգեբանական կամ ուրիշ ճնշման՝ լավ արեղեկացվածության հիմքի վրա:

Ոչ կամավոր էֆթանագիան իրականացվում է առանց հիվանդի համաձայնության, ինչը չի նշանակում, թե այն հակասում է նրա կամքին: Խոսքն այն իրադրության մասին է, երբ հիվանդը նախապես չի արտահայտել իր կամքը կամ չի կարող արտահայտել (գտնվում է կոմայի մեջ), ընդ որում ենթադրվում է, որ եթե էֆթանագիայի խնդրի առաջացման պահին հիվանդը հնարավորություն ունենար արտահայտել իր կամքը, նա կգերադասեր մահանալ⁵: Այսպիսի իրավիճակներում ընտանիքն առաջին հեղինակությունն է հիվանդի փոխարեն որոշում ընդունելիս, իսկ երբ ընտանիքի անդամների մեջ համաձայնություն չկա, դատարանի միջոցով կարող է ընտրվել այն անձը, ով հանդես կգա հիվանդին փոխարինող՝ որոշում կայացնող: Այդ անձը պետք է լավ ճանաչած լինի հիվանդին, իմանա նրա բարոյական արժանիքները, որպեսզի կարողանա այնպիսի որոշում ընդունել, որին կհամաձայնեն հիվանդը եւ նույն որոշումը կընդունեն ֆիզիկապես կարող լինելու դեպքում:

Բացի կամավոր եւ ոչ կամավոր էֆթանագիայից, գոյություն ունի նաեւ չկանխամտածված էֆթանագիա, որը մեծ կիրառություն ունի նաեւ չկանխամտածված էֆթանագիան, որը մեծ կիրառություն ունի: Չկանխամտածված էֆթանագիան խղճահարությունից դրդված սպանությունն է այն կարողունակ հիվանդների, որոնք ի վիճակի են արտահայտել իրենց կամքը, բայց էֆթանագիան կատարվում է հիվանդի կամքին հակառակ⁶:

Էֆթանագիայի խնդիրը ծագել է արեւմտյան մշակույթում, գլխավորապես՝ բողոքականության ազդեցության շրջանում: Կենսահույզ այս խնդիրն ունի իր երկար պատմությունը: Նայելի է, որ անհույս հիվանդների կամ ծանր վիրավորների կյանքին վերջ դնելը բավականին փարածված երևույթ է եղել Նին աշխարհում, մասնավորապես՝ Նին Նուստարանում: Այդ է վկայում Պլատոնի «Նանրապետություն» հոգակավոր աշխարհությունը, ուր կանխորոշելով ցանկալի պետական կառուցվածքի հիմնական գծերը՝ հեղինակն այն կարծիքն է հայտնում, որ բժիշկները չպետք է խնամեն այն մարդուն, որն այլևս ի վիճակի չէ ապրելու եւ պետք է թույլ տալ, որ նա մահանա: Պլատոնը կարծում է, որ այդ վերաբերմունքը նպաստավոր է եւ հիվանդի, եւ պետության համար:

Միջին դարերում բազմաթիվ զինվորներ ճակատամարտի ժամանակ մնում էին մարտի դաշտում՝ ծանր վիրավորված, մահամերձ ու անփոխադրելի վիճակում: Նրանք դատարարված էին անխուսափելի մահվան՝ հոգեվարքի քանջալի ապրումներով: Այսպիսի իրավիճակներում մահը դիմում էր որպես փրկություն, փրկություն երբեմն երկար եւ սաստիկ ցավից ու քանջանքից: Ներաբրքականն այն է, որ այսպիսի իրավիճակների մեջ գտնվող զինվորների համար գործում էին հարուկ պարտաստված մարդիկ՝ խաչակերպ դաշույններով, որոնք իրականացնում էին մեռնողի վերջին «ցանկությունը»: Այդ դաշույնը

5 Տե՛ս **А. А. Гусейнова, Е. Л. Дубко**, Этика, Москва, 2006, էջ 467:

6 Տե՛ս **Joe Jenkins**, Ethics and Religion, էջ 92-93:

հայրնի էր «միզերկորդիա» անունով, որը թարգմանաբար նշանակում է «գթասրբություն»⁷:

Էֆթանագիայի առաջին գանգվածային կիրառմամբ աչքի է ընկել Ֆաշիստական Գերմանիան: Նացիստների կողմից մշակված Էֆթանագիայի փորձը եղավ Էֆթանագիայի քաղաքական առաջին ծրագիրը, որն ի կատար ածվեց: Դեռևս Ի դարի սկզբին գերմանացի հոգևորյժ Գոեհեն և բժիշկ Բինբինգը փորձեցին հիմնավորել ազգի և մարդկության համար «ոչ լիարժեք» անձանց ոչնչացման անհրաժեշտությունը: Այդ մարդկանց ցուցակում առաջին հերթին հոգեկան և ծանր խրոնիկական հիվանդություններ ունեցողներն էին: Դրանից երեսույն փարի անց Ֆաշիստական պետությունն իրականացրեց այդ ծրագիրը: 1939 թ. սեպտեմբերին պաշտոնական Էֆթանագիայի հայրը՝ Ադոլֆ Նիբելը, սպորադիկ գաղտնի հրամանագիր, որի համաձայն «կյանքի բոլոր ձևերը, որոնք անարժան են կյանքին», հարկավոր է ենթարկել Էֆթանագիայի⁸:

1939-1945 թթ. «Էֆթանագիայի ծրագրի» գոհերի թիվը Գերմանիայում կազմում էր 120.000-250.000 մարդ: Պարերագմից հետո որոշ Էֆթանագիստ բժիշկներ ինքնասպան եղան, մյուսները դադարեցին Նյուրենբերգի դատարանի կողմից: 1946 թ. հոկտեմբերի 25-ից մինչև 1947 թ. հուլիսի 19-ը Նյուրենբերգի ռազմական դատարանը քննեց քսաներեք բժիշկ Լախսկանների գործերը և նրանց մեղադրեց պարբերաբար առավելագույն չափով: Սև համագգեստով բժիշկների հանցավոր գործունեության շրջանակները լայն էին ու բազմազան՝ գազային խցիկների համար գերիների ընկալություն, համակենտրոնացված ճամբարներում եղած հիվանդների ոչնչացում՝ ֆենոլ կամ կապրաթթու ներարկելով, արտասահմանցի կին բանտարկյալների հղիության արհեստական ընդհատում, մարդկանց և հափկապես միաբջջային երկվորյակների վրա գիպատափորների կիրառում, ռենդգենյան ճառագայթներով մարդկանց սպերջացման, բծավոր փիֆով և վիրուսային այլ հիվանդություններով վարակման փորձեր, մարդկային գանգերի և վերջույթների «հավաքածուի» սպեղծում և շարունակվող վայրագություններ:

Խոսելով Ֆաշիստական Գերմանիայում իրականացված Էֆթանագիայի մասին՝ կարևոր է նշել, որ այն գաղափարախոսությունը, որն այժմ նպատակաուղղված է Էֆթանագիայի արդարացմանը, չի նույնանում նացիստական գաղափարախոսության հետ: Էֆթանագիան ենթադրում է մահ հիվանդի օգտին, իսկ ֆաշիստները սպանում էին մարդկանց՝ առանց նրանց օգուտի մասին մտածելու⁹: Այնուամենայնիվ, գոյություն ունեն շփման եզրեր Էֆթանագիայի ժամանակակից գաղափարախոսության և նացիստական պետության միջև: Այդ ընդհանրությունը պայմանավորված է մարդու՝ որպես անհատի բացառիկության ճանաչելիության գաղափարի անսրբանման, իսկ երբ չկա այդ արժեքի գիտակցությունը, որը սերտորեն կապված է Աստուծո գոյության համոզմունքի հետ, մարդկային փոխհարաբերությունները կարգավորվում են կամ պետական մակարդակով կամ էլ սկզբունքայինության դրսևորումներով: Իսկ եթե մարդկային կյանքը ոմանց համար ոչ մի արժեք չի ներկայացնում, ապա այդպիսի մարդիկ միշտ կփորձեն այն օգտագործել հանուն իրենց քմահաճույթի բավարարման:

7 Տե՛ս Ս. Մ. Գալթյան, Բիոէթիկա, Երևան, 2009, էջ 111 (հետադարձ՝ Բիոէթիկա):

8 Անդ:

9 Տե՛ս Tony Hope, Medical Ethics, Oxford, 2004, էջ 10:

Ներկայումս Էֆթանագիայի խնդրի վերաբերյալ հասարակության մեջ առկա են երկու հակադիր մտքերումներ՝ ազատական և պահպանողական: Էֆթանագիայի խնդրի վերաբերյալ այս երկու կողմերն այն մերժելիս կամ արդարացնելիս բխվում են խնդրի լուծման համար անհրաժեշտ այնպիսի կենսական հարցերի, ինչպիսիք են՝ մարդն ազատություն ունի՞ր կամ բարոյական իրավունք ունի՞ր վարվելու այնպես, ինչպես ինքն է ցանկանում, բարոյական կարո՞ղ է համարվել նրա այդ ցանկությունը, երբ այն չի վնասում ուրիշին կամ չի սահմանափակում այլ մարդկանց ազատությունը, նա իրավունք ունի՞ր ընտրելու իր մահվան ձևն ու ժամանակը և պե՞տք է արդյոք, որ աջակցություն ստանա այդ գործողության մեջ, մարդն իրավունք ունի՞ր իր նմանին և Աստծո պարկերն ու նմանությունը կրողին կյանքից զրկել կամ այդ դեպքում ինչպիսի՞ն է բարոյական պարասխտանաբարություն կրելու խնդիրը, բժիշկը պե՞տք է աջակցի հիվանդին մահանալու նույնիսկ այն դեպքում, երբ առկա են վերջինիս համաձայնությունը և խնդրանքը, ի՞նչ ազդեցություն կունենա այս աջակցությունը մյուս հիվանդների, հոգեկան ծանր վիճակում գտնվող մարդկանց¹⁰ և առհասարակ հասարակության վրա, որքանո՞վ կամ ո՞ր դեպքերում է ընդունելի քառապալի կյանքն արհեստական միջոցներով երկարաձգելը և այլն: Էֆթանագիան շարունակում է առաջ քաշել անձնական և հասարակական արժեքների, անհատի իրավունքի և դրա սահմանների, բժշկության նպատակի և մեռնել ցանկացող հիվանդի նկատմամբ պարպականությունների վերաբերյալ հարցեր:

Էֆթանագիան իր մի կողմով ինքնասպանություն է, քանզի առկա է հիվանդի համաձայնությունը՝ մահվան ելքով ավարտելու իր քառապալից կյանքը, ինչպես նաև նա կարող է ինքն անջարկել կենսապահական սարքը: Ներկայումս Էֆթանագիայի բարոյական-քրիստոնեական մտքեցման փուլակայանից այն քննարկելն է ինքնասպանության խնդրի ներքո:

Ս. Գրքում առկա են ինքնասպանության մի քանի դեպքեր: Փորձենք ավելի մանրամասն անդրադառնալ Աստվածաշնչում ինքնասպանության ամենահայտնի փաստին՝ Նուդայի ինքնասպանությանը: Նուդայի ինքնասպանության խնդիրը միշտ էլ եղել է աստվածաբանների ուշադրության կենտրոնում: Նրանք փորձել են բացատրել և հիմնավորել, իսկ վերջին շրջանում նույնիսկ արդարացնել Նուդայի արարքը: Բայց դրանք ընդամենը կարծիքներ են, քանզի դժվար է թափանցել Նուդայի ներքին աշխարհը, զգալ և ներկայացնել նրա ապրումները: Այդ մանրամասնություններին չանդադառնալով՝ հայացք ուղղենք Նուդայի ինքնասպանության մեղքին, որն ընդհանրություններ ունի մեր թեմայի հետ:

Նուդայի արարքը և առհասարակ ինքնասպանությունը մեծ մեղք է համարվում Աստվածաշնչում: Նիշենք, որ Ծննդոց Թ 6 համարն ուղղակի հրահանգում է. «Որ հեղու գարին մարդոյ, փոխանակ արեան նորա հեղցի՝ արին նորա: Զի ի պարկեր Աստուծոյ արարի ևս գմարդն»: Այնուհետև փաստաբանայի վեցերորդ պարվիրանն ասում է. «Մի՛ սպանաներ» (Ելք Ի 13, Բ Օրենք Ե 17): Պարվիրանը բովանդակում է նաև ինքնասպանության մեղքը: Էֆթանագիայի հակառակորդներն իրենց փաստարկների մեջ ներկայացնում են

¹⁰ Նուդայից այս դեպքում դարձնում վճիռ է կայացրել որոշ հիվանդ երեխաների կյանքի նկատմամբ կիրառված և ծանր հոգեկան վիճակում գտնվող անձանց ցանկությամբ կատարված Էֆթանագիայի համար պարփոխ չսահմանել: Այս երկիրն առաջնորդվում է այն սկզբունքով, որ հոգեբանական քառապալները մտնում է անհրաժեշտ չափանիշների մեջ, որոնք օրինական են դարձնում բժշկի օգնությունը:

նախ բարոյական-կրոնական հենց այս հրահանգը: Աջակցված մահվան և էֆթանազիայի արժեքը մարդկային կյանքի արժեքի գաղափարն է արտացոլում, որը խոր արմատներ ունի քրիստոնեական ավանդության մեջ: Այդ ավանդությունը կյանքն Աստուծոց տրված պարգևն է և կամ փոխառություն է համարում: Աստված է ստեղծել ամեն ինչ, ներառյալ մարդկային կյանքը և բարի է հռչակել այն (հմմտ. Ծննդ. Ա 31): Մարդկային կյանքի վերաբերյալ այս տեսակետն առաջին հերթին նշանակում է, որ մենք պետք է փայփայենք այն և անենք ամեն ինչ հանուն նրա պաշտպանության: Մեր կյանքը մեր սեփականությունը չէ. Աստված է մեր կյանքի սեփականատերը: Այս դեպքում մեր կամ ուրիշի կյանքի հետ վարվելու իրավունքները սահմանափակ են:

Գուցե վիճելի և անհավանական թվա, բայց հնարավոր է այնպիսի մի ենթադրություն, ըստ որի՝ Ադամի մեղքը ոչ այնքան արգելված ծառից ուտելն էր, որքան այն, ինչ նա արեց հետագայում: Աստված կարարած «հարցաքննություն» իրողությունը պարզելու նպատակ չէր հետապնդում: «Ի՞նչ արեցիր» հարցն Աստված շուրթերում անխմսապ է, եթե դա ասվում է պարզելու համար տեղի ունեցածը: Մարդկանց մտքերը կարողացող Աստված անշուշտ գիտեր կարարվածը: Հարցի էությունն այն է, որ դրանով միգուցե Աստված մեղքերը բավելու հնարավորություն տվեց Ադամին. եթե նա ոչ միայն խոստովաներ իր մեղքը, այլև իր վրա վերցներ ողջ պատասխանատվությունը, ապա դա սիրով թելադրված ինքնագոհաբերում կլիներ: Այդ դեպքում Ադամը, խմանալով, որ իրեն մահ է սպասվում, կվերականգներ մարդու մեջ Աստված պարկերը և չէր դարձապարզվի փաժանքի և մահվան. չէ՞ որ Եւային փրկելը կնշանակեր կյանք փրկել («Եւա» նշանակում է «կյանք»): Բայց Ադամն իր անձը հարվածի տակ չդնելու համար ասաց. «... Կինս զոր ետուր ընդ իս՝ ես ինձ ի ծառայ անտի և կերայ» (Ծննդ. Գ 12):

Ահա այստեղ էլ հանդիպում ենք Ս. Գրքում մարմնության առաջին դեպքին: Թեև այդպես էր եղել, ինչպես որ ասաց Ադամը, բայց միևնույն է՝ նրա արածը մարմնություն էր: Տերը հարցնում էր Ադամին իր արածի մասին, մղում նրան զղջման, ոչ թե մարմնության: Հուդան էլ սուր չէր ասել Կայիափայի գործակալներին, բայց նրա «ճշմարտությունը» մարմնություն էր: Այստեղ ընդհանրություն կարելի է տեսնել Աստված՝ Ադամին ուղղված հարցի և Քրիստոսի՝ Գեթսեմանիի պարսեզում ձերբակալության պահին Հուդային ուղղված հարցի միջև՝ «Յուդա՛ համբուրելով՝ մարմնես գՌդդի Աստուծոյ» (Դուկ. ԻԲ 48): Ընդհանրությունը տրված հարցերի էության մեջ է՝ կշիռամբանք և հնարավորություն՝ ուղղելու գործած սխալները: Սա նշանակում է, որ նրանց մարմնության մեղքը ներելի էր: Ուրեմն, մասնավորապես անդրադառնալով Հուդային՝ ասենք, որ նրա աններելի մեղքը ոչ թե մարմնությունն էր, այլ այն, ինչ հետո նա արեց, որն էլ համարվեց աստվածհայեցություն:

Աստվածհայեցության աններելիության մասին Քրիստոս ասաց. «Վասն այդորիկ ասե՛մ ձեզ, Ամենայն մեղք և հայեցությունք թողցի՛ն մարդկան, բայց զՀոգւոյն հայեցութիւն մի՛ թողցի: Եւ որ ոք ասիցէ բան գՌդդոյ մարդոյ՝ թողցի նմա. բայց որ զՀոգւոյն Սրբոյ ասիցէ՝ մի՛ թողցի նմա, մի՛ յայսմ աշխարհի, և մի՛ ի հանդերձելումն» (Մատթ. ԺԲ 31-32):

Նշված մտքի այսպիսի ձևակերպումը Մատթեոսի Ավետարանում նշանակում է, որ ներվում է ըմբոստացումը միայն մարդու նկատմամբ, անգամ եթե նա մարդեղացած Աստված է, բայց մեղանշողը դեռ չի ճանաչել նրան որպես Տեր և Փրկիչ: Բայց այդ դեպքում

ինչո՞ւ է Տիտուս շեշտում Սուրբ Նոգոն ուղղված հայեցողության աններելիությունը և ոչ թե պարզապես Ասրծո (Նայր, Որդի): Այսպեղ կա հերաբրքրական և կարևոր մեկնաբանություն, որը բացահայտում է ինքնասպանության աններելիության ամբողջ էությունը. Ավերաբանի Սուրբ Նոգին Տին Կրակարանի Ասրծո Նոգին է, որ արարչությունից առաջ շրջում էր ջրերի վրա (հմմտ. Ծնող. Ա 2): Նեկ նա դարձավ մարդու կյանքի աղբյուրը. Ասրված մարդ սրեղծելիս «փչեաց յերեսս նորա շո՛նչ կենդանի, և եղև մարդն յոգի կենդանի» (Ծնող. Բ 7): Մարդու հոգին ասրվածային է, հերեաբար մարդն իշխանություն չունի նրա վրա, քանզի Ասրված այդ իշխանությունը չի փվել: Ուրեմն աններելի մեղք է հայեցողությունն ուղղված Ս. Երբորդության այն Անձի դեմ, որ կենդանություն պարզեց մարդուն արարչության ժամանակ, իսկ դա Սուրբ Նոգին է: Սուրբ Նոգոն ուղղված հայեցողությունն Ավերաբաններում համարվում է մահվան ընկրություն: Եթե հայեցողությունն Ասրծո՝ Ս. Նոգո դեմ նույնն է, ինչ մահվան ինքնակամ ընկրությունը, ապա անշուշտ իրական է նաև հակառակ կապվածությունը. ինքնասպանությունը, մահվան ինքնակամ ընկրություն լինելով, դառնում է հայեցողություն կյանք պարզեղծի՝ Ս. Նոգո դեմ: Սրանով է բացաբվում, թե ինչու, ըստ Ավերաբանի, ներելի են բոլոր մեղքերը, բացի ինքնասպանության մեղքից: Այն ամենասարսափելի մեղքն է Ասրծո դեմ, Ս. Նոգո դեմ ուղղված հայեցողանք՝ ծանր, անչափելի ու աններելի: Ահա այսպեղ է, որ կփորձենք մի շար կարևոր հարցադրում անել՝ թերևս առանց պարսխանի. Էֆթանագիան մի՞թե աններելի մեղք չէ, ի՞նչ կործանաբար մեղքով է փարբերվում Նուդայից այն հիվանդը, որ դիմում է Էֆթանագիայի:

Քրիստոնեական պարկերացմամբ կյանքի իմաստն այս աշխարհի հեր կապված չէ: Բարոյագիտության իդեալիսական ուղղություններից մեկը՝ հեղոնիզմը, դավանում է, որ հաճույքը կյանքի ամենամեծ բարիքն է, գերագույն նպատակը¹¹: Այդպիսի մրածեղակերպը սահմանափակվում է միայն այս աշխարհի գոյության համոզմամբ, իսկ հանդերձյալ կյանքի գոյության հնարավորության մասին խոսք լինել չի կարող: Բայց անբուժելի հիվանդը պեպր է պարբասրվի ոչ թե մահվան, այլ հավիլրենական կյանքի: Նեկ այս հավիլրենական կյանքի նկարմամբ հավարի բացակայությունն է նաև, որ հուսահատություն է առաջացնում: Կյանքի իմաստի գիլրակցումը կապված է կյանքի նպատակի հեր. եթե գոյություն չունի հավիլրենական կյանք, ապա կյանքի գերագույն նպատակը հաճույքն է:

Նոգո անմահությունը հասրաբում է հավիլրենական կյանքի գոյությունը: Այս մոլրեցմամբ մարդու կյանքն այս ժամանակավոր աշխարհով չի սահմանափակվում, և նրա կյանքի նպատակը դառնում է հոգու փրկությունը, այն հավիլրանական կյանքին արժանի դարձնելը: Ուրեմն ինքնասպանությունը դառնում է անգիլրակից արարք, որը ժիլրում է հավիլրենական կյանքի իրականությունը: Ն. Բերդյաևն ասում է, որ այն, լինելով ասրվածային և մարդկային օրենքների խախտում, առաջացնում է սարսափելի, համարյա գերբնական զգացողություն՝ բոնություն ոչ միայն կյանքի, այլև մահվան վրա:

Յուրաբանչյուր մարդու կյանք երկրի վրա ընթանում է Ասրծո նախախնամությամբ. արարածն իրավունք չունի միջամլրելու Արարչի գործերին և դադարեցնելու մի կյանք, որի գործարկումը միայն Ամենարաճրյալին է վերապահված: Չնայած բոլոր մարդիկ բնական ծնունդով ծնողներից են առաջանում, սակայն, այնուամենայնիվ, Ասրված է յուրաբանչյուր

11 Տե՛ս Յ. Փրոմմ, Бегство от свободы, Минск, 2000, էջ 389 (հերայում՝ Бегство от свободы):

մարդու Արարիչը: Մահկանացուն չի կարող ծնել անմահ հոգի. այն աստվածային է: Տերն օրինության գործությամբ արարման պահին ասաց. «...Աճեցէ՛ք և բազմացարո՛ք և լցէ՛ք գերկիր...» (Ծննդ. Ա 28): Այս խոսքն ուժի մեջ է մինչև հավիտյանների կատարումը: Նկարագրաբար մարդն ամեն գնով պետք է փայտիայի Աստծո՝ մարդուն փված գերագույն պարզելը՝ կյանքը՝ անսարմավ աստվածաշնչյան պարգամին. «Մի՛ ցանկանայք մահու մոլորություններ կենաց ձերոց. և մի՛ ձգէք յանձինս զսարակումն գործովք ձեռաց ձերոց» (Իմաստ. Սողոմոնի Ա 12):

«Նարկավոր է ամբողջ ուժով ձգել ապրել, նույնիսկ եթե այն շատ քիչ բան է հիշեցնում իրական կյանքի մասին», - ասում է Անտոն Սուրբոսկին¹²: Աստված կարևորում է յուրաքանչյուր առանձին մարդու՝ նրա մեջ փնտրելով այն անծայրածիր արժեքը, որ Տիրոջ համար քննարկման ենթակա չէ: Այնպես է ծրագրվել, որ մեկ մարդու կյանքը հավասարագոր է ողջ աշխարհի գոյությանը, այն աշխարհի, որն սպեղծվել է ընդամենը որպես մարդու բնակավայր:

Ողղափառ և Կաթոլիկ եկեղեցիների աստվածաբանության մեջ ասվում է, որ եթե հոգին առաջանալիս սաղմից, որից և առաջանում է մարմինը, ապա նրանք միասին էլ կմեռնեն¹³: Բայց հոգին անմահ է, որի վրա մահկանացու մարդն իշխանություն չունի: Տիրոջն է կյանքի և մահվան իշխանությունը (հմմտ. Իմաստ. Սողոմոնի ԺԶ 13): Եթե մարդն իր կյանքի փրկող լինելը, ապա մի՞թե չպիտի կարողանալ փնտրել այն այնպես, որ հասնել գերագույն երջանկության: Բայց մարդու՝ այս աշխարհի վրա ընթացքն այդ երջանկության անվերջ ու անբավարար ձգվում է: Գերագույն երջանկությունը կարող է իրականանալ միայն հավիտենական կյանքում, քանզի դրա աղբյուրը միայն Աստված է: «Երբ մարդը կը սնուցանե երջանկության և կատարելության բաղձանքներ՝ կը նշանակե որ սահմանում է երջանկության ու կատարելության, և քանի որ անոնց չի կրնար փոքրանալ երկրի վրայ, ինքնին կը հեղեղի որ պիտի փորանայ անոնց անդենականի մեջ. այսինքն Աստծոյ արքայություն մեջ», - ասում է Շնորհք Եպիսկոպոս Գալուստյանը¹⁴:

Եւ վերջապես եթե մարդն իշխանություն ունենալ իր կյանքի նկատմամբ, ապա ինչո՞ւ նրան հայտնի չէ իր մահվան օրը: Պապասխանը միանշանակ է՝ որովհետև նա չէ հոգու արարիչը. «Մահ մարդոյ հանգիստ է յորմէ ճանապարհն թաքեալ ի նմանէ. զի փակեաց գնովաւ Աստուած» (Յոր Գ 22-23):

Էֆթանագիայի հարցը քննարկելիս առաջ են գալիս նաև մարդու ազատ կամքին առնչվող կենսական հարցեր, որոնք լուծում են պահանջում հարկապես բարոյա-կրոնական դաշտում: Ումանց կարծիքով Էֆթանագիան մարդկանց ազատություն է փալիս: Ջոն Սթյուարտ Միլլն իր «Ազատության մասին» գրքում պնդում է, որ ուրիշներին չառնչվող հարցերում անհատը պետք է լիակատար անկախություն ունենա: Նա իշխանություն ունի իր մարմնի վրա կյանքին վերաբերող հարցերում, և նույն ազատությունը պետք է ունենա մահվան առնչվող խնդիրներում: Կամքի ազատությունը բացարձակացվում է նաև սցիենտիֆիկ մրաձեյակերպի համաձայն, որի կողմնակիցները ժխտում են Աստծո գոյության հնարավորությունը՝ ամբողջ փիլիզոսոֆիայի գոյությունը բացառելով պարահասկանությամբ: Սա

12 Տե՛ս **А. Метрополит Сурожский**, Жизнь, болезнь, смерть, Клин, 2001, էջ 56-57:

13 Տե՛ս **Кант**, Метафизические начала естествознания, М., 1992, էջ 1289:

14 **Շնորհք Եպիսկոպոս Գալուստյան**, Տեղիք Աստուածաբանության, Երուսաղեմ, 1993, էջ 76:

նրանց հիմք է պալիս մարդուն իր դատավորը համարելու իրեն առնչվող բոլոր հարցերում, ներառյալ՝ կյանքի և մահվան:

Ահա վերը նշված մոտեցումներն են, որ կրոնա-բարոյական արեսանկյունից առաջին հերթին վեր են հանում մարդու բարոյական պարասխանարվության խնդիրը ոչ թե արդեն մարդկանց, այլ Աստծո նկատմամբ: Մարդու ազատությունը սերտորեն առնչվում է բարոյական պարասխանարվության հետ նրա հանդեպ, ով պարզեցվել է այդ ազատությունը:

Ազատությունը մարդու բարոյականության դրսևորման և բարոյական արժեքների ու գործողությունների արտահայտման միջոց է: Աստված մարդուն ստեղծել է իր պարկերով և նմանությամբ: Աստծո պարկերով ստեղծված լինելն առաջին հերթին կամքի ազատությունն է: Առաջին իսկ օրերում Աստված արգելք է դնում Ադամի վրա. «...բայց ի ծառյն գիտության բարոյ և չարի՝ մի՛ ուրիցեք...» (Ծննդ. Բ 17): Բարո և չարի գիտության ծառից ճաշակելու արգելքը նշանակում էր չարի հետ միանալու արգելք (հիշենք, որ չարն արդեն աշխարհ էր մուտք գործել մինչ մարդու արարումը՝ հոգեղեն էակների միջոցով): Արարիչն իհարկե կարող էր ստեղծել այնպիսի մի էակ, որը ծրագրված լիներ բացարձակապես ու անշեղորեն բարին գործելու և մեղքից հեռու մնալու, սակայն դրանով արարչությունն աննպատակ կլիներ: Նման էակն արժեք չէր ունենա այն իմաստով, որ Աստծո համար արժեքավոր է ոչ թե պարտադրված, այլ ազատ կամքով ընտրված բարին: Այդ պարտադրվել է ընտրության ազատությունը մարդու մեջ: Աստծո պարկերի ու նմանության կարևորագույն բաղադրիչն է:

Դախարի արգելքը նպատակ չունի սահմանափակելու մարդու ազատ կամքը, այլ միջոց է հնարավորություն էր՝ դրա ճիշտ օգտագործմամբ հասնելու կատարյալ վիճակի. չէ՞ որ մարդը կատարյալ չէր ստեղծվել, այլ՝ իր ազատ ընտրությամբ կատարյալին հասնելու կարողությամբ: Աստված սահմանափակեց մարդու բացարձակ ազատությունը՝ դրա փոխարեն նրան պարզեցնելով իմաստավորված ազատություն: Բացարձակ ազատությունը մարդու պարագային կնժամկեր այն նույն աննպատակ ազատությանը, ինչպիսին էր նախասկիզբ քառսը, մինչդեռ արարչությունը կարգուկանոնի, օրենքի ներմուծում էր քառսի մեջ: Աստծուց հեռանալը կործանիչ մի ձգտում է՝ վերադառնալու նախասկիզբ քառսի ազատության անիմաստության մեջ: Այնպես որ մարդու ազատագրումն Աստծուց մեղսագործության ազատության նվաճում է: Նույն իմաստավորումն ունի ժուռ հանճարեղ գրողներից մեկի՝ Դոստոևսկու նշանավոր միտքը, որ եթե Աստված չկա, ա՜մեն ինչ թույլատրելի է: Նման պարտադառա-հետևանքային կապն իհարկե երկկողմ է՝ ենթադրելով նաև հակառակ պայմանավորվածություն. եթե Աստված կա, ապա թույլատրելիության սահմաններն ավելի նեղ են, և որքան մեծ է մեղքը, այնքան ավելի շատ են սահմանափակումները:

Մարդու երկրային կյանքն ունի երկու սահման՝ սկիզբ և վերջ: Բեղմնավորումը և մահն Աստծո ներկայության երկու ձևերն են. առաջինը նվիրում է երկրային կյանք, երկրորդը՝ բացում այն հավիտենականության համար: Մարդ չի կարող խուսափել ինչպես առաջին հանդիպումից, այնպես էլ երկրորդից: Մարդկային կյանքի երկու սահմանները՝ կյանքն ու մահը, բովանդակում են արարչագործության առեղծվածը և Քրիստոսի խաչի խորհուրդը: Այս երկուսի միջև փարածքը պարկանում է մարդու ազատությանը, բանականությանը, կամքին և կյանքին: Այդ ազատությունը չի խաթարում նույնիսկ Աստված: Բայց այդ սահ-

մաններից այն կողմ գործում է Աստուծո ազատությունը, և մարդը կոչված է հարգելու այն¹⁵:

Աստված, լինելով փրկելու արարիչը, նախախնամում է այն: Սա նշանակում է, որ փրկելու չի թողնված իր բախարին, այլ խնամվում, պահպանվում ու առաջնորդվում է Աստուծո կողմից դեպի իր վերջնական նպատակը: Նին կրակաբանում հաճախ շեշտվում է Աստուծո ներգործությունն իր սրբազանության վրա, սակայն այդ ներգործությունը, որպես աստվածային նախապեսում կամ նախասահմանություն, առաջին անգամ հանդիպում ենք հունարենով գրված մի գրքում (Իմաստություն ԺԴ 3, ԺԵ 2), որ «նախապեսում» բառի փոխարեն դրված է սպորիկների գործածած «պրոնոյա» բառը: Նոր կրակաբանում բազմաթիվ ակնարկություններ կան նախախնամության մասին (Մատթ. Զ 25-34, Ժ 28-31, Ղուկ. ԺԲ 6-7, ԻԲ 31, Յովհ. Ե 17):

Աստվածային այս նախախնամությունը չի կաշկանդում մարդու ազատությունը, այլ գործում է փրկելու արարիչը որպես նրա մեջ հաստատված բնական օրենք: Եթե մարդու ազատությունը կախում ունենար նախախնամությունից, ապա մարդը հյուսն հնազանդ կլիներ և մեղք գործելու հնարավորություն չէր ունենա: Իսկապես, եթե մարդն ազատություն չունի, ուրեմն նա բարոյապես պարասխանարար չէ իր արարքների համար, բայց քանի որ Աստված պարասխանարարության է ենթարկելու կամքը, նշանակում է՝ մարդուն փրկել է ազատ կամք:

Սուրբ Գիրքը մարդուն հայրնում է այն, ինչը նախասահմանված է: Նախասահմանությունը կապված է Աստուծո ամենապատկառնության հետ, Ում հայրնի է մարդու ազատ կամքի հեղինակ ընտրությունն ու հեղինակը: Այս մասին է վկայում Պողոս առաքյալի Հռոմեացիներին ուղղված թուղթը. «... որովհետև նրանց, որ առաջուց գիտեր, նախասահմանեց կերպարանակից լինելու իր Որդու պարկերին...» (Հռոմ. Ը 29):

Աստված գիտեր և՛ անցյալը, և՛ ներկան, և՛ ապագան, սակայն Աստուծո ամենագետ լինելը չի սահմանափակում մարդու ազատ կամքը: Կարծրացած դեպքերը կապված չեն Աստուծո՝ նախապես իմանալու հետ, այլ մարդու ազատ ընտրության արդյունք են: Մարդու ազատ ընտրությունը նրա բարոյական արժեքն է: Աստված նախասահմանում է այն բաները միայն, որոնք կախում չունեն մարդու կամքից: Եթե մարդն օժտված չլիներ ազատ կամքով, աստվածային շնորհը փրկարար նշանակություն չէր ունենա, իսկ մարդու փրկությունը սկսում է նախնաառաջ շնորհի ազատ ընտրումամբ: Նրա ազատ կամքն աստվածային շնորհի՝ մարդու մեջ պարզ փայլում վճռող ազդակն է:

Ուղղափառ մարածողության մեջ մարդու ազատությունը նախնաառաջ նկատվում է իբրև մեղքից ազատագրվածություն: Քրիստոնեությունն ազատության արժեքը պեսնում է Աստուծո հավաքալու մեջ, մարդկային ազատ կամքը աստվածային կամքին ենթարկելու մեջ: Ճշմարտության ճանապարհով քայլելու այս օրինակը Նիսուս եղավ, որ Գերսեմանիում թրքիներն արյան փոխած՝ իր աղոթքն ավարտեց հեղուկալ խոսքերով. «...բայց ոչ իմ կամք՝ այլ թո՛ղ լիցին» (Ղուկ. ԻԲ 42): Այս հնազանդությունն իրականացավ խաչի վրա:

Ներավի մարդն ազատ է: Այդ ազատության բարձրագույն արժեքը ոչ թե բարո և՛ չարի միջև ընտրություն կատարելու բուն կարողությունն է, այլ բարո ընտրությունը, երբ մարդը թույլ է փախա, որ Աստվածային բարիքը մուրք գործի իր անձնական մարդկային ազատության փրկությամբ, երբ իր կյանքում փրկ է փախա Աստուծո: Այդ դրությունը հիմնված է

15 Տե՛ս Բ. Գ. Եսին, Ս. Դ. Թիշենկո, Բիոէթիկա, Մոսկվա, 2005, էջ 404:

ազատության ըմբռնման առաքելական ավանդությունների վրա: Ազատության էությունն արտահայտված է հայկական Գաղափարացիներին ուղղված առաքյալի թղթում. «Ձի դուք յազատութիւն կոչեցեալ էք: Եղբարք, միայն զի ազատութիւնն ձեր ոչ լինիցի ի պարճառս մարմնոյ...» (Գաղ. Ե 13)¹⁶:

Այսպիսով, ազատությունը, որպես գերագույն պարզև, շնորհվել է մարդուն որպես միջոց և հնարավորություն կարարելանալու: Բայց մարդն Աստծո պարզեւած ազատությունը ծառայեցնում է իր նպատակին և շահին ու երբեմն իրեն Աստված համարելով՝ վճռում է այնպիսի հարցեր, որոնք միայն Նա է փնտրում: Սեփական կյանքի և մահվան ընտրությունը այդ խնդիրներից թերևս կարևորագույնն է:

Էֆթանագիայի կողմնակիցների փաստարկներում առանձնահատուկ կերպով շեշտվում է քառապանքների հիմնավոր պարճառ լինելը մահվան դիմելու համար: Նրանք այն կարծիքին են, որ անագնացող և շարունակական քառապանքների դեպքում միակ ելքը մահն է: Կյանքի իմաստը գնահատվում է հաճույքների և քառապանքների համեմատական առավելությամբ. եթե քառապանքները գերազանցում են հաճույքներին, այդ դեպքում կյանքի իմաստը որոշում է քվյալ անհատը:

Աստվածաբանության էական խնդիրներից մեկը քիեզերքում քառապանքների գոյության իմաստի ընկալումն է: Տառապանքը մահվան և Քրիստոսի հարության լույսի ներքո մարդկային գոյության անհրաճեշտ մասն է: Քրիստոսի հարության լույսի ներքո այն մարդուն նոր մտքեցման առիթ է քալիս դեպի Աստված և դեպի մարդ: Մարդ արարածը՝ որպես քառապանքի և մահվան ենթակա էակ, դրա միջոցով կարողանում է բացահայտել իր և իր նմանի կյանքի իմաստը: Բնականաբար սա չի նշանակում, որ նա հնարավորության դեպքում չպկեր է խոստովի ցավից ու քառապանքից, բայց այդ խոստովումը չպկեր է լինի այնպիսի միջոցներով, ինչպիսին Էֆթանագիան է¹⁷:

Քրիստոնեությունը սովորեցնում է, որ այս կյանքի քառապանքներն անիմաստ չեն: Դրանք մարդուն դարձնում են ավելի մարդկային, օգնում նրան վերականգնելու իսկական կապն Աստծո հետ¹⁸: Տառապանքը մարդու համար բարոյական արժեքների և հոգեւոր ուժի աղբյուր է՝ առաջնորդելով նրան հավարի, սիրո և հոգեւոր աճի¹⁹:

Տառապանքի իմաստի քրիստոնեական ընկալումը հասկանալու համար նախ պկեր է հասկանալ, թե ինչո՞ւ են առհասարակ դրանք մարդուն ուղեկցում ողջ կյանքի ընթացքում: Մարդաբանական իմացության մասին հիվանդների հոգեկան պարկերացումներից դուրս գոյություն ունի նաև աստվածաբանական մի հին պարկերացում, որի համաճայն մարմնի հիվանդ վիճակը պարունակում է նաև կրոնական իմաստ: Մարդու հեռացումն Աստծուց՝ կյանքի աղբյուրից, մարմնի հիվանդ վիճակի գլխավոր պարճառն է: Այս քրեսակերն արդեն իսկ քրեսանելի է Աստվածաշնչում, քանզի ցավն ու քառապանքը մեղսագործությունից անմիջապես հետո աշխարհ մարն՝ «Բազմացուցանելով բազմացուցից գործությունս քո

16 Նմար. Կիքիլ Պարրիսաք, Ազատություն և Պարասխանարվություն, Ս. Էջմիածին, 2010, էջ 91-92:

17 Տե՛ս Byrne Peter, Leslie Houlden, Companion Encyclopedia of Theology, London and New York, 1995, էջ 823 (հետայսմ՝ Companion Encyclopedia of Theology):

18 Տե՛ս Ջովաննի Գուայրս, Ջրույցներ Ջովաննի Գուայրսի հետ, Ս. Էջմիածին, 2001, էջ 259:

19 Նմար. Paul Badham, Paul Ballard, Facing Death, University of Wales Press Cardiff, 1996, էջ 112 (Paul Badham, A Theological Examination of the Case for Euthanasia):

և զհեծությունս քո. քրքրութեամբ ծնցես որդիս. և առ այր քո դարձ քո, և նա՛ր քիբեցե՛ք քեզ» (Ծննդ. Գ 16):

Այնուհետև Աստված Ադամին ասաց. «...անիծեալ լիցի երկիր ի գործս քո. քրքրութեամբ կերիցես զնա զամենայն ատուրս կենաց քոց ...» (Ծննդ. Գ 17):

Մարդու անկման հետևանքները թե՛ ֆիզիկական, թե՛ բարոյական էին: Ֆիզիկական մակարդակում մարդը ենթակա դարձավ ցավին ու ախտին, ծերության տրտմությանն ու մարմնական անկայունությանը: Կոռ էր կյանք փալտ բերկրանքը միախառնվեց որդեծնության ցավերին (հմմտ. Ծննդ. Գ 16): Անկման հետևանքով մարդը ենթակա դարձավ նաև ֆիզիկական մահվան ժամանակ հոգու և մարմնի բաժանմանը:

Բարոյական մակարդակում անկման հետևանքով մարդը մարմնվեց հոսսալքության, ձանձրության և վիպության: Նա ենթարկվեց ներքին օտարացման. դուրս գալով ինքն իր դեմ՝ նա դարձավ իր իսկ ախտյանն ու դաժանը:

Մեղքի հետևանքները ծանր են լինում մարդու համար: Նա կորցնում է նախնական պարզեցվածությունը, և ցավն ու տառապանքը մարդուց անբաժան են դառնում:

Նոր Կտակարանում եւս հանդիպում ենք այն փաստին, որ հիվանդությունները և տառապանքները հիմնականում մեղքի հետևանք են: Նիվանդության մասին Եկեղեցու աստվածաբանական մտքեցումն ու մեկնաբանությունը մեծապես պայմանավորված են Նիսուս Բրիսարոսի երկրային գործունեությամբ ու առաքելությամբ: Նիսուսի գործունեության առանցքը հիվանդության բժշկումն էր լայն խմաստով, այսինքն՝ անկում ապրած մարդկության վերականգնումն իր նախնական և սկզբնական վիճակին: Մա իր հիմնական ուղղվածությամբ մեծ ընդգրկում ունի՝ մեղքից ազատագրում և հաղթանակ մահվան նկատմամբ՝ արդյունավորելով ամբողջ քրիստոնեական ներդաշնակությունը:

Նորկյապարանյան պատմությունները մեզ բազմաթիվ տեղեկություններ են հաղորդում Նիսուսի գործած հրաշք-բժշկությունների մասին՝ կաղի, կույրի, անդամալույծների, բորոտների բժշկությունները, դուրսի հալածումը²⁰: Նոր Կտակարանում և Գործքում նշվում է Նիսուսի և առաքյալների գործած բժշկության քսանինը դեպք: Բժշկությունը կատարվում էր հիվանդի կամ մերձավորների հավաքի առկայության դեպքում: Ուշադրություն դարձնենք Ավերարանում առկա այն իրողությանը, որ հիշարակված որոշ դեպքերում բժշկելուց առաջ Նիսուս նախ մեղքերի թողություն էր փալիս, որից հետո կատարվում էր բժշկությունը: Այս հանգամանքը շատ պարզ արտահայտված է անդամալույծի բժշկման դրվագում՝ «...Եւ քրիստոնեական զհաւաքս նոցա՝ ասէ ցանդամալոյծն. Թողեա՛լ լիցին քեզ մեղք քո» (Մարթ. Թ 2):

Այնուհետև Նիսուս ասաց անդամալույծին. «Այլ զի գիտասցիք՝ եթե իշխանություն ունի Որդի մարդոյ յերկրի թողո՛ւ՛ զմեղս. յայնժամ ասէ ցանդամալոյծն. Արի ա՛ռ զմահիծս քո՝ և երթ ի քոն քո: Եւ յարուցեալ զնաց ի քոն իւր» (Մարթ. Թ 6-7):

Այս հատվածում հստակ է, որ անդամալույծի մեղքերի ներումը բժշկեց նրա հիվանդությունը: Մա մի վկայություն է, որ հիվանդությունների առաջացման գլխավոր պատճառներից մեկը մարդու սեփական մեղքն է: Ուրեմն Ավերարանում եւս վկայություններ ենք տեսնում, որ հիվանդությունն ու տառապանքը հիմնականում մեղքի հետևանք են լինում:

²⁰ Մարթ. Ը 14-17, Թ 1-8, Թ 18-26, Մարկ. Ա 40-45, է 33, Ը 23-26, Ղուկ. Ը 46:

Այսպիսով, քրիստոնեությունը մարդուն բաժին հասնող հիվանդությունների մեծ մասը պայմանավորում է նրա անբնական և անբանական կյանքով, որի ընթացքում նա իր մեղքերի պարճառով խախտում է աստվածային պարզությանը և բնական օրինաչափություններով սահմանված վարքաձևերը: Սրա լավագույն վկայություններից մեկը Կրիստոսն է, որը Սիրաբի իմաստության մեջ. «Ով մեղանշում է իր Արարչի առջև, նա կ'ընկնի բժշկի ձեռքը» (Սիրաբ ԼԸ 15):

Մեղքն առաջին հերթին բարոյական ավերածություն է. մեր նախահայրը, մեղք գործելով, մահվան դարապարպեց ոչ միայն իրեն, այլև հեղաշրջեց սերունդներին մինչև -Քրիստոսի առաքելությունը: Ուրեմն՝ եթե մարմնական մեղքերը վերաբերում են առավելապես ախտակիր օրգանիզմին, ապա գործած մեղքերը վրանցի փրկում են դրանք մարդու բանական, առաքինի գոյությունը: Ախտերը մարմինն են սպանում, իսկ կրքերի ձեռով արքայազնությունը մեղքերը հոգին են կորցնում²¹:

Միաժամանակ ամեն մի մեղք կարելի է դիտել իբրև հոգեկան ախտ, իսկ ամեն ախտ, այսինքն հիվանդություն՝ որպես մարմնի մեղք, որովհետև մեղքերն ի վերջո քայքայում, կազմալուծում են մարմինը, իսկ մարմնական փրկությունները ներգործում են հոգեկան աշխարհի վրա: Բժշկագիտության պարմության մեջ նման պարկերացում գոյություն չի ունեցել: Այդ պարկերացումը ոչ միայն իրական հիմք ունի, այլև համընդհանուր և հավիտենական ճշմարտություն է: Բժշկությունը բավարարվում է հիվանդության ամեն մի պարագայի առանձնակի, իրավիճակային ախտորոշմամբ, մինչդեռ երկու կարգի ախտորոշումներն էլ անհրաժեշտ են. մեկը հիվանդության վերջնական, իրական, խորքային պարճառն է հայտնաբերում, մյուսը՝ անմիջական ախտը: Արդյունավետ կլինեք, եթե այս երկու ախտորոշումները կիրառվեն միաժամանակ: Միգուցե այնպեղ, որպեղ վերջանում են բժշկության հնարավորությունները, սկսվում է հավաքը, բայց մյուս կողմից էլ ցանկացած հիվանդության դեպքում չօգտվել բժշկությունից և հիմնվել միայն հավաքի վրա, նշանակում է անսխալ Աստծո՝ մարդուն փրկած մեծագույն պարգևներից մեկը՝ մարածելու կարողությունը: Պարագապես պարբ է այդ կարողությունը ծառայեցնել իր ճիշտ նպատակին: Աստծո բոլոր պարգևները բարի են, բայց դրանք մարդու կողմից կարող են չարի փոխվել սխալ օգտագործմամբ:

-Քրիստոնյայի կյանքը որդու կյանք է. նա պարբ է ընդունի այն, ինչ փալիս է հայրը: Աստված մարդուն միայն բարիք է ցանկանում, ինչպես հայրն է որդուն բարիք ցանկանում, սակայն միշտ չէ, որ մարդը հասկանում է Աստծո փրկածի իմաստն ու նպատակը: Մեղքից է առաջանում փառապանքը և փառապանքի միջոցով է հաղթահարվում մեղքը: Կյանքում մշտապես իրականանում է այն օրենքը, որ մեղքի դիմաց փառապանք է փրկվում: Այս փառապանքն իմաստալից է այնքանով, որքանով այն հնարավորություն է փալիս քակելու մեղքը: Մեղքի հաղթահարման այս ուղին ոչ միայն մարդուն է մարդու հոգին, այլև իմաստություն է փալիս՝ գիտակցելու և բացահայտելու կյանքի բարոյական կողմը, կյանքի իմաստի ողջ խորությունը՝ թեկուզ փառապանքների գնով: Մարդը յուրաքանչյուր փառապանք կկարողանա հաղթահարել, եթե դրանում իմաստ փնտրի: -Քրիստոնեական աստվածաբանության մեջ շեշտվում է այն միտքը, որ ամենամեծ փառապանքը նրա աննպատակ լինելու գիտակցության մեջ է, որն առաջանում է հավաքի բացակայությունից: Նույն միտքն է արքա-

21 Տե՛ս. Գրիգոր Նարեկացի, Մատենան Ողբերգութեան, Բան ԻԸ 14-15:

հայրում Նիցշեն՝ ասելով, որ մարդու համար անբանելի է ոչ թե փառապանքը, այլ փառապանքի անխմսությունը: Նիվանդը փառապանք է ոչ թե սոսկ ֆիզիկական ցավերից, այլ հոգեկան վշտերից²²: Նոգեկան այդ վշտերը հաճախ անխմսաբար են թվում, որով խորանում է փառապանքը և հուսալքություն է առաջանում: Ներքալար փառապանքի պարծառի և իմաստի գիտակցումը փանելի է դարձնում այն: Բայց գիտակցումը դեռ բավարար չէ. ընդունել կյանքը՝ նշանակում է նաև ընդունել փառապանքը, և մարդու կյանքի գլխավոր նպատակներից մեկն այդ փառապանքների հաղթահարումն է: Մարդկության պարմությունը ցավի պարմություն է: Յավն ու փանջանքը մարդու կյանքի անբաժան մասն են և նրա կյանքի յուրաքանչյուր հանգրվան ունի իր ցավն ու փառապանքը: Բայց իրականությունն այն է, որ դրանք մարդու հոգեւոր կյանքի հիմքն են²³:

Քրիստոնեական աստվածաբանությունը յուրահատուկ մոտեցում ունի փառապանքի նկատմամբ՝ հիմնվելով Նիսուս Բրիստոսի փառապանքների վրա²⁴: Տառապանքի մասին քրիստոնեական ժամանակակից գաղափարախոսությունը համահունչ է Աստուծո փառապանքի պարմության հետ. Նա մարդացավ և գոհարեցվեց հանուն մարդկության: Ինչպես աստվածաբան Բերնարդ Նարինգն է ասում՝ «Քրիստոս ֆիզիկապես չարչարվեց և սարսափելի փառապանքներ սրանձնեց՝ անցնելով մարմնական ցավից անդին»²⁵: Քրիստոս անմեղ փառապանք կրեց, բայց ոչ անույապարկ: Նրա փառապանքների ամբողջ իմաստը բացահայտվում է մարդկության մեղքերի քավման մեջ: Նիսուսի փառապանքները բուժիչ ազդեցություն ունեցան փառապանքների աշխարհում²⁶: Յավն ու փառապանքը մեղքի միջոցով աշխարհի մարան, բայց հենց այդ միջոցով Քրիստոս հաղթեց դրանց: Նա մարդկության մեղքերով ծանրացած խաչն իր ուսերին կրեց և օրինակ տվեց աշխարհին, օրինակ, որ սովորեցնում է համբերությամբ կրել փառապանքի խաչը, բանգի այս կյանքի փառապանքների հաղթահարումը շնորհի է արժանացնում մարդուն՝ մասնակից դարձնելով Քրիստոսի փառապանքներին: Այս մասին է վկայում Պևրոս առաքյալը. «Սիրելիք՝ մի՛ օտարօտի համարել գեռանդն ինչ որ ի փորձություն ձեզ լինիցի, որպես թե օտար ինչ իրք ձեզ դիպիցին. այլ իբրև հաղորդելալ Քրիստոսի չարչարանացն՝ ուրախ լինիցիք, զի և ի յայտնության փառաց նորա ցնծացեալ բերկրեսցիք» (Ա Պևրոս Դ 12-13):

Ժամանակակից աշխարհում գնալով ավելանում է բժիշկների, բժշկական սարքավորումների հնարավորությունները, բարձրանում է բուժման մակարդակը, բայց հիվանդությունները ոչ միայն չեն պակասում, այլև ավելանում են: Նիվանդությունների աճը և բազմազանությունը վկայում է, որ մարդու խաթարված ընթացքն աշխարհի վրա շարունակում է խորանալ, որի հետևանքով մարդկության մեղքերն ավելի բազմազան և բազմաբնույթ են դառնում: Աստված մարդուն առողջ է սրելով, իսկ հիվանդություններն ու առհասարակ ցանկացած նեղություն անցյալ, ներկա և նույնիսկ ապագա մեղքերի համար են փրկում՝ կամ որպես մեղքի քավության հնարավորություն և կամ դեռևս չգործված մեղքերի կանխում, բանգի Տերը «չի ուզում, որ որևէ մեկը կորստեան մարմնի, այլ ուզում է, որ ամենքը ապաշխարեն» (Բ Պևրոս Գ 9):

22 Տե՛ս «Բիռնթիկա», էջ 146:

23 Տե՛ս **Joseph A. Amato**, *Victims and values, A History and a theory of suffering*, New York, 1990, էջ 1:

24 Տե՛ս «Companion Encyclopedia of Theology», էջ 832:

25 Անդ, էջ 832:

26 Տե՛ս **Paul S. Fiddes**, *The Creative Suffering of God*, Oxford, 1992, էջ 110:

Ուրեմն, քրիստոնեական աստվածաբանությունը մերժում է տառապանքի վերաբերյալ Էֆթանագիայի արդարացմանն ուղղված փաստարկները: Եթե ռմանք մահն ընկալում են որպես միակ միջոց տառապանքներից ազատվելու համար, ապա քրիստոնեությունը նույնիսկ անմեղ տառապանքների մեջ իմաստ է տեսնում: Այդ ամենը բացահայտվում է Քրիստոսի երկրային առաքելությամբ. Նա մարդկության պարմության մեջ միակ անմեղ մարդն էր և միևնույն ժամանակ ամենամեծ տառապողը, սակայն նրա անմեղ տառապանքը փրկեց ամբողջ մարդկությանը: Եւ ինչպես Քրիստոսի անմեղ տառապանքները պողպատեց ամբողջ մարդկության համար, այնպես էլ ցանկացած մարդու տառապանքն է պողպատեում իր և իր նմանների համար:

Էֆթանագիան պաշտպանողների մյուս փաստարկմամբ կյանքի իմաստը որոշվում է տառապանքների և հաճույքների համեմատաբար առավելության հաշվարկով: Այն դեպքում, երբ տառապանքներն ավելի շատ են, քան հաճույքները, կյանքի որակի հավասարակշռությունը խախտվում է՝ դառնալով անհամաչափ: Ըստ Էֆթանագիայի կողմնակիցների՝ այսպիսի վիճակները պետք է թերթուացնել մահն արագացնելու միջոցով:

Այս փաստարկն ուժեղ կողմեր ունի, հասկալիս երբ առկա է տառապալի կյանքը և հիվանդի ցանկությունը՝ չգրկվել այդ վիճակում, այսինքն հիվանդը ոչ երկիմաստ կամք է արտահայտել: Այնուամենայնիվ, այն խոցելի է երկու պարզառով. նախ՝ Էֆթանագիայի հնարավորության վերլուծության ժամանակ կոռեկտ չէ որպես տանջանք կյանքը համեմատել հաճույքի հետ: Տանջանքներն ավելի վատ են հաճույքներից, բացասական հուզումները՝ դրականներից, բայց կարճ են և անհասկանալի, որ տանջանքն ավելի վատ է անհուսությունից, իսկ բացասական հուզումները՝ ամեն մի հուզումների բացակայությունից: Էֆթանագիայի իրավիճակում գիտակցական որոշման ժամանակ առկա են ոչ թե կյանքի տարբեր որակական վիճակները, այլ ընտրությունը կյանքի և մահվան միջև: Տանջանքները չարիք են հաճույքների համեմատ, երբ ընտրություն է կատարվում տանջանքների և հաճույքների միջև, բայց տանջանքները բարիք են մեռած անզգայության համեմատ, երբ կատարվում է ընտրություն տանջանքների և նույնիսկ տանջվելու անհնարինության միջև (անզգայություն):

Քրիստոնեությունը կյանքը դիտում է բարիք իր բոլոր դրսևորումներով՝ և՛ տանջանքներով, և՛ հաճույքներով: Կյանքը բարիք է և բարիք է մնում նույնիսկ այն ժամանակ, երբ այն գերազանցապես տանջանք է դառնում կամ նույնիսկ՝ անվերջ տանջանք: Էֆթանագիայի կարևոր դրդապարճառներից է տառապանքներից ազատվելը, բայց արդյոք գոյություն ունի՞ սպառնալիքներ: Քրիստոնեությունն ասում է, որ դա հուսախաբություն է, որը հանգեցնում է ավելի մեծ տառապանքների, բայց այն աշխարհում:

Նեղոնիզմն արդարացնում է Էֆթանագիայի կողմնակիցների՝ տառապանքի և հաճույքների վերաբերյալ առաջ քաշած փաստարկները: Եթե հեղոնիստի համար մահը լիակատար անորոշություն է, և հնարավոր է նաև բացարձակ վերջը, ապա քրիստոնեայի համար կեցության ձևի փոփոխություն է միայն, կյանքի օրինաչափ ընթացքի մի հանգրվանը հավերժության անցման ճանապարհին: Սրանցով է պայմանավորված երկու տեսակետների կյանքի նպատակի ընկալումը՝ հեղոնիստի համար այս կյանքի հաճույքները, քրիստոնեայի համար հոգու փրկությունը: Երբ խոսքը վերաբերում է տառապանքների ժամանակ կյանքի և մահվան ընտրությանը՝ քրիստոնեական տեսանկյունից հարցը մտնում է հոգու փրկության դաշտ:

Աստված երբեք մարդուն թույլ չի տալիս կրելու առավել տառապանք, քան նա կարող է տանել, եթե ունենա համբերություն և ընդունի այն շնորհն ու ուժը, որ Ինքն է տալիս մարդուն նրա պայքարի ընթացքում: Երբ Աստված թույլ է տալիս, որ տառապանքը մուտք գործի մարդու կյանք, Նա դրանում մեծ բարիք է դնում, որին մարդն արժանանում է այն հաղթահարելու միջոցով: Եթե ամփոփենք տառապանքի իմաստի քրիստոնեական ողջ էությունը, ապա այն կարելի է մեկ մտքով արտահայտել. տառապանքը բացահայտում է կյանքի խոր իմաստը և մարդուն հասկացնում է, որ նա փրկվելու արժեք է, մարդ, որ այսօրվա փրկման կայով հագեցված ժամանակաշրջանում իրեն Աստված է զգում և նրան թվում է, թե ինքը կարող է գերազանցել Աստծո արարչագործությունը:

Նաջորդ փաստարկը, որն առաջին հայացքից շատ հիմնավոր և համոզիչ է թվում, Էֆթանագիայի արդարացումն է գթասրտության և արդարության միջոցով. Էֆթանագիան համարվում է գթասրտություն նրա նկարմամբ, ում օգնում են մահանալ և արդարացի՝ շրջապատի և հասարակության նկարմամբ:

Էֆթանագիայի կողմնակիցների բարեգութ սպանության փեսությունը մերժվում է քրիստոնեական մարածության դիրքերից: Էֆթանագիայի արդարացման գթասրտության փաստարկը հաճախ կարող է կեղծվել թե՛ հիվանդի հարազատների, թե՛ բժիշկների կողմից. միգուցե հարազատների համար է անտանելի՝ տանել հիվանդին այդ վիճակում և հիվանդի հանգիստ մահվան միջոցով փորձում են հենց իրենց ազատել այդ տառապանքներից: Էֆթանագիան նման պարագաներում հեշտ և էժան ընկերություն է: Իսկ այն դեպքում, երբ Էֆթանագիան կարարվում է իրական գթասրտության քողի տակ, պետք է մի բանում համոզված լինել. բժիշկը և առհասարակ որևէ էակ ավելի գթասիրտ չէ, քան Նա, ով մարդկային էակին է արարել: Աստված մարդուն կյանք է շնորհել, և Նա էլ կանխորոշված ժամկետում այն նրանից վերցնում է: Միտքի իմաստության մեջ ասվում է. «Տիրոջ բոլոր գործերը շատ բարի են, և Նրա բոլոր հրամանները կարարում են իրենց ժամանակին. վայել չէ ասել՝ ի՞նչ է սա, կամ ինչո՞ւ է սա, բանգի ամեն ինչ պիտի կարարուի իր ժամանակին» (Միքայ ԼԹ-21): Բժշկի «գթասիրտ» քայլը չի դադարում սպանություն լինելուց նույնիսկ այն պարագային, երբ այդ քայլին նրան դրդել է գթասրտության զգացումը, անհուսալի ու ծանր հիվանդին հեղազա տառապանքներից ազատելու մարդկային ցանկությունն ու խիղճը: Էֆթանագիայի հակառակորդների այս հիմնավորման դեմ առաջ է քաշվել այն հակափաստարկը, թե սարքը պահպանում է միայն կյանքի երևութականությունը, որը դրսևորվում է շնչառության և արյան շրջանառության ձևով այն դեպքում, երբ իրականում մարդը մեռած է, որևիցե ցավ չի զգում, նրա կենսագործունեության աղբյուրը՝ ուղեղը, արդեն մեռած է: ԺԸ դարի փիլիսոփա Դեյվիդ Նյումը պնդում էր, որ եթե արհեստականորեն մարդու կյանքին վերջ դնելը օրինազանցություն է Աստծո առջև՝ իբրև կյանք պարզեցողի և փրկիչի, նույնը կարող է ասվել արհեստականորեն որևէ մեկի կյանքը բժշկական սարքավորումներով երկարաձգելու պարագային²⁷:

Քրիստոնեությունը մարդու կյանքը բացառիկ արժեք է ընդունում, արժեք, որն անփոխարինելի և եզակի է: Ներկառար մարդն ամեն ինչ պետք է անի այդ արժեքը պահպանելու

27 Տե՛ս «Վազգենյան դպրանոց», հոգևոր-մշակութային պարբերական, 2008, թ. 2, էջ 29 (Գևորգ արք. Մարոյան, Էֆթանագիա և բժշկական էթիկա):

համար: Բժշկությունից պետք է օգտվել միայն այն դեպքում, երբ այն նպատակ ունի երկարաձգելու Աստծո պարգևը՝ կյանքը: Չպետք է առաջնորդվել մարդկային չափորոշիչներով՝ կյանքի արժեքը սահմանելու համար: Այդ արժեքն արդեն իսկ Աստծո կողմից բացարձակ է փրվել մարդուն, բացարձակ այն կոչումով, որ նա այլևս պահապանն ու պարասխառնություն է այդ անսահման արժեքի: Իսկ իրականում գթասրությունը ոչ թե մահվան օգնության մեջ է, այլ նրա հետ ցավը կիսելու, նրան կարեկից լինելու մեջ, որը հիմնավորվում է Տիտուսի խոսքերում. «... հիանդ էի՝ ես փեսք գիս...» (Մատթ. ԻԵ 36):

Գիտությունը սրբության կերպով զարգանում է, կարարելագործված կենսաբժշկական սարքավորումը հրաշքներ է գործում՝ պահպանելով մարդու կյանքը նույնիսկ փասնյակ փորիններ, բայց ավելին անել անկարող է: Նա բացահայտեց մարդու մարմնի գրեթե բոլոր գաղտնիքները, բայց դրանից այն կողմ մի իրականություն է, որպեսզի այլևս անելիք չունի: Նոգելուր այդ իրականությունը հավիտենական է ու անսահման, եւ մարդը, ըստ Սուրբ Գրքի, մասնակից է լինելու այդ հավիտենականությանը հոգին փրկելու կամ կործանելու վիճակներով: Քանի դեռ մարդ երկրային կյանքի մեջ է, հնարավորություն ունի շարժվել բան ճանաչելու եւ որ գլխավորն է՝ իր ընթացքից դարձի գալու: Տառապող հիվանդը շարժվում է ճանաչողության այդ սահմանին եւ ո՛վ գիտե, միգուցե արդեն իսկ սկսում է ճանաչել, իսկ մարդուն կյանքից գրկելն Էֆթանագիայի միջոցով ոչ միայն բռնությամբ հոգու վրաբերում է, այլև միգուցե գրկում ճանաչելու եւ ապաշխարելու հնարավորությունից: Եթե Աստծո կամքն է, որ հիվանդը մահանա, ապա կարարելագործված փրկիչիկան ոչինչ չի կարող անել, իսկ քանի դեռ հիվանդը կա, ապրում է, ուրեմն դա Աստծո կամքն է եւ պետք է ընդառաջ գնալ Նրա կամքին: Աստծո կամքին ընդառաջ գնալն այս պարագայում Նրա իսկ կողմից մարդուն պարգևած շնորհի ճիշտ օգտագործումն է՝ պահելու, պահպանելու եւ արդյունավորելու այն կյանքը, որը սուրբ է:

Այսպիսով, քրիստոնեական փեսանկյունից Էֆթանագիան աստվածադիր օրենքների խախտում է, մարդուն փրկված ազատության չարաշահում, հոգու անմահության ու հավիտենական կյանքի ժխտում եւ վերջապես՝ անհավատություն: Մարդկության այդ անհավատությունն ու մեղքերը թերեւս բավարար կլինեին Տիտուսին կրկին խաչ բարձրացնելու: Իսկ Նա պիտի կրկներ՝ «Նայր, ների՛ր դրանց, որովհետեւ չգիտեն, թե ինչ են անում» (Ղուկ. ԻԳ 34):

Էֆթանագիայի մասին վեճերը շարունակվում են, օրեցօր ավելանում են նրա օրինականացման փորձերն ու հաջողությունները, իսկ թե ինչ կլինի մոտ ապագայում՝ հայրնի չէ. միայն մի բան պետք է հիշել՝ մարդու հեղափոխ գոյությունը կախված է նրա հոգևոր վիճակից: